

禮記

禮

記

禮記卷第一

御刪定禮記月令第一

集賢院學士尚書左

僕射兼右相吏部尚

書修國史上柱國晉

國公臣林甫等奉

勅注

臣聞昔在唐堯則曆象日月敬授人時降及虞舜則璿樞玉衡以齊七政夏后則更置小正周公則別爲

時訓斯皆月令之宗旨也
逮夫呂氏纂集舊儀定以
孟春日在營室有拘怙檢
無適變通不知氣逐閏移
節隨斗建泊乎月朔差異
□星見殊乃令雩祀愆期

□
□
作沴事資革弊允屬

□
□

□
□
□
□
□
□
順時設教

□
□
□
□
□
□
形言親降

聖謨重有刪定乃依杓建

爰準攝提舉正於中匪乖

期於積閏履端於始不爽
候於上元節氣由是合宜
刑政以之咸序遂使金木
各得其性水火無相奪倫
蓋所謂順乎天而應乎人
者也乃命集賢院學士尚

書左僕射兼右相吏部尚
書李林甫門下侍郎陳希
烈中書侍郎徐安貞直學
士起居舍人劉光謙宣城
司馬齊光又河南府倉
曹參軍陸善經修撰官家

令寺丞兼知太史監事史
元晏待制官安定郡

別駕梁令瓚等爲之注解

臣等虔奉綸旨極思

愧無演暢之能謬承

之寄義深罕測學淺

□ □ 莫副 天心空塵

□ □ 謹上

正月之節日在虛昏昴中

曉辟中斗建寅位之初其

日甲乙其帝太皞其神句

芒其虫鱗其音角律中太

族其數八其性仁其事貌
其味酸其臭羶其祀戶祭
先脾立春之日東風解凍
後五日蟄蟲始振後五日
魚上冰天子居青陽左个
乘青輅駕蒼龍載青旂衣

青衣服蒼玉食麥與羊其
器䟽以達太史以先立春
三日謁於天子曰某日立
春盛德在木天子乃齋立
春之日天子親率公卿諸
侯大夫以迎春於東郊還

乃賞公卿諸侯大夫於朝
令相布德和令行慶施惠
下及兆人慶賜遂行無有
不當命太史司天曆候曰
月星辰宿離不貸無失經
紀以初爲常是月也命有

司祭風師是月也命有司
釁龜筮占兆審卦吉凶

正月中氣日在危昏畢中

曉尾中斗建寅位之中雨
水之日獺祭魚後五日鴻
鴈來後五日草木萌動天

子乃命有司布農事舍東
郊修封疆端徑術善相丘
陵阪險原隰土地所宜五
穀所殖以教導人必躬親
之田事旣飭先定準直農
乃不惑天子乃以元日祈穀

于上帝乃擇元辰天子親
載耒耜置之車右率公卿
諸侯大夫躬耕藉田天子
三推公五推卿諸侯九推
還乃讌飲於太寢公卿諸
侯大夫皆御命曰勞酒是

月也命樂正習舞乃修祭
典命祀岳鎮海瀆犧牲無
用牝禁止伐木無麇無卵
無聚大衆無置城郭掩骼
埋胔是月也不可以稱兵
稱兵必有天殃兵戎不起